presenter à l'image de la saincte Vierge, qu'elles apostrophent auec des affections fort tendres.

S'estant vn iour raffemblées elles firent vne petite cabane de feüillages, la tapifferent de verdure, à leur façon, puis allerent demander congé à la Mere Superieure dy passer la nuict, la Mere les en voulant destourner, leur dit qu'elles auroient peur, & que la porte de cette cabane ne fermoit point. Nous ne craignons rien, firent-elles, nous porterons auec nous l'Image de Iefus & de la faincte Vierge, & le mefchant Manity ne nous pourra aborder; nous n'auons pas peur des ames des trespassez; car ceux qui meurent, s'ils font bien bons, s'en vont au Ciel; s'ils n'ont pas payé & fatisfait pour leurs offenses, ils vont en Purgatoire, s'ils font bien meschans, ils vont en Enfer; ils ne fortiront pas de là [15] pour nous venir trouuer, fi le Diable s'approche de nostre cabane nous prierons Dieu, & il le fera fuir: la Mere adjoufte dans fon memoire, cette response m'estonna, il s'en faut beaucoup que nos petites Françoises foient si presentes à elles, quoy qu'on les instruise fans ceffe.

Il y a vne petite Huronne parmy les Algonquines, estant interrogée si elle auoit encor sa mere, celle que i'ay en mon païs n'est plus ma chere mere, respond cét enfant, parce qu'elle ne croit point en Dieu, c'est vous qui estes mes vrayes Meres puis que vous m'instruisés, cette petite Neophyte sut long-temps auec le bon Charles Sondatsaa la veille de son Baptesme, elle luy parloit des biens qu'on reçoit dans ces eaux sacrées, des grandes recompenses que Dieu donne à ceux qui luy obeïssent, des horribles chastimens qu'il exerce sur les superbes, & sur les rebelles;